


Jān Būreejtōn Dieter F. Uchtdorf

Rikakpilōklōk eo Kein Karuo ilo
Būreejtōnji eo Kein Kajuon



Ālkin Iakwe Innām Ta?

Rikanaan eo ad ejitenbōro, Būreejtōn Thomas S. Monson, eaar kwaļok bwe “iakwe ej lukkuun pedped in katak ko an kojpeļ.”¹

Iakwe elukkuun in aorōk bwe Jisōs eaar ba “ej kien eo mōktata im eļap” im kar ba bwe mōttan ko jet ilo kien in im naan ko an rikanaan ro rej ekkejel ie.²

Iakwe ej jibadbad eo iṃaantata ilo aolep ta ko jej kōmṃani ilo Kabuñ in. Aolep būrokūraam, aolep kweilok, aolep emākūt jej pād ie jej āinwōt ro rikaļoraņ Jisōs Kraist eaikuj waļok m̄wil jab in—bwe ñe ejjeļok iakwe emool, “iakwe eo erreoo an Kraist,” innām kom̄ jekdōon.³

Ñe jenaaj meļeļe menin ilo lōmnak ko ad im būruwōd, ñe jenaaj kwaļok ad iakwe ñan Anij im armej ro mōttad—innām ta?

Eñjake tiriamō im iakwe ñan ro jet ebwe ke? Ad iakwe ñan Anij im ro riturur ej ke kamōņōņōik jermal eo ad ñan Anij?

Būrabōļ eo kōn ļaddik ro Ruo

Ilo tampeļ eo ilo Jerusalem, pris ro routiej im elder ro an RiJew ro raar itok ippān Jisōs ñan kapo E kōn naan ko An. Rilōmōor eo, ijoke, eaar oktak ļok ñan er ilo tabōļ eo im jiroñ er kōn juon bwebwenato.

“Juon emṃaan jimwe eaar wōr ruo nejin ļaddik,” Eaar ba. Jemān eaar ba ñan eo nejin mōktata im kar jiroñļok bwe en ilok im jermal ilo jikin kallib eo. Ak ļaddik eo eaar mačkoko. Tokālik ļaddik eo eaar, “ukeļok, im ilok.”

Innām jemān eaar ilok ñan ippān ļaddik eo nejin kein karuo im kar jiroñļok bwe en ilok im jermal ilo jikin kallib eo. ļaddik eo kein karuo eaar jiroñļok ke enaaj etal, ak eaar jab etal.

Innām Rilōmōor eaar oktakļok ñan pris ro im elder ro im kar ba, “Wōn iaan ļaddik rein ruo eaar kōmānṃan ankilaan jemāer?

Raar kwaļok ke ļaddik eo mōktata—eo eaar ba eban etal ak tok ālik eaar ukeļok im kar etal im jermal ilo jikin kallib eo.⁴

Rilōmōor eaar kōjermal bwebwenato in ñan kwaļok juon pedped in katak eaorōk—ej er ro rej pokake kien ko er ro rej iakwe Anij.

Bōlen eñin unin an Jisōs ba bwe armej ro ren roñjake im ļoor naan ko an Parisi ro im Saddusi ro im jab ļoor waanjoņok ko aer.⁵ Rūkaki in kabuñ ro rejjab mour kake ta eo rej ba. Emṃan wōt ippāer kōnono kōn kabuñ, ak ekabūromōjmōj bwe ejako aorōk in katak eo ippāer.

Kōmṃan ko im Ad Lōmōor

Ilo juon iaan katak ko an Rilōmōor āliktata ñan rijilōk ro An, Eaar kōnono ñan er kōn ekajet eo āliktata. Rijerawiwī im rimṃan renaaj jenōlok. Ro rimṃan renaaj jolete mour indeeo; im ro rijerawiwī renaaj ieokļok kaje indeeo.

Ta kar oktak eo kōtaan kūrub kein ruo?

Ro raar kwaļok aer iakwe kōn kōmṃan ko aer kar lōmōoren er. Ro raar jab raar jako.⁶ Oktak eo emool ñan

gospel eo an Jisōs Kraist im aorōk in pedped ko ie naaj waļok ilo kōmḡman ko ad kajjojo raan in ad mour.

Ilo jemļokin, baj kwaļok iakwe ḡnan Anij im armej ro eban kōkarbōb kōj ḡnan mour ijo eutiejtata. Bwe, āinwōt an kar Jisōs kwaļok, “jab jabdewōt ej ba ḡnan Eō, Irooj, Irooj, enaaj deļoḡ ilo aelōn in laḡ; a eo ej kōmḡman ankilaan Jema eo ej pād ilo laḡ.”⁷

Ta eo ej itok ālkin iakwe?

Uwaake eo ḡnan kajjitōk in “Ālkin iakwe, innām ta?” emaroḡn in pidodo im kajju uwaake. Eļāḡḡe jej lukkuun iakwe Rilōmḡḡor, jej leļok būruwōd ḡnan E innām jej etetal ilo iaļen rikaļooran. Ne jej iakwe Anij, jej kajjeoḡ kōjparok kien ko An.⁸

Eļāḡḡe jej lukkuun iakwe armej ro ad, jej leļok jipaḡ eo ad “ḡnan rijeramōl im riaikuj ro, rinaḡinmej im ro rej liājļoļ.”⁹ Bwe ro rej kōmḡman kain in ilo tūriamḡ im jipaḡ,¹⁰ ejja in wōt rej rikaļooran Jisōs Kraist.

Eḡnin ej ta eo ej itok ālkin iakwe.

Eḡnin ej pedped in katak eo an Jisōs Kraist.

KAKEEMEMEJ KO

1. Thomas S. Monson, “Iakwe—ej Pedped in Katak ko an Gospel,” *Kweilok eo Eļap* Eprōļ 2014, 52.
2. Lale Matu 22:36–40.
3. Lale Moronai 7:46–47.
4. Lale Matu 21:28–32.
5. Lale Matu 23:3.
6. Lale Matu 25:31–46.
7. Matu 7:21.
8. Lale Jon 14:15.
9. Katak im Bujen ko 52:40.
10. Lale Mosaia 18:8–9.

KATAK JĀN ENNAAN IN

Būreejtōn Uchtdorf eaar kōmeļeļeik ro rikaļooran reḡpool an Jisōs Kraist ro rej kwaļok aer iakwe ḡnan Anij im ro jet ilo kōmḡman ko aer. Eaar katakin kōj bwe “eļāḡḡe jej lukkuun iakwe ad Rilōmḡḡor, jej leļok būruwōd ḡnan E innām jej etetal ilo iaļen rikaļooran.” Ļōmḡak in kajjitōk ippān ro kwoj katakin ilo wāween iakwe eo eaar lōḡaj er ḡnan etetal ilo iaļen rikaļooran. Kwomaroḡ kwaļok eḡjake ko aḡ ippāer barāinwōt. Kwōn ba ren jar kōn iakwe im kōmḡman bwe iakwe en kajoorļok.

JODIKDIK RO

Kōjparok Kien ko im lakwe ro Jet

Ne jej Ļōmḡak kōn iakwe, ekkā an men ko ḡmōktata Nitok ḡnan kōļmenļokjeḡ eo ad āinwōt pija ko, tōḡnal, im wūt ko. Ak iakwe—emḡool ej juon iakwe—emḡwilaļ im eļapļok jān juon make. Jisōs Kraist eaar mour im mej kōn kōj kōnke Eaar iakwe kōj. Ilo ḡpool, kien ko ruo reļ-ļap rej iakwe Anij im iakwe aolep (lale Matu 22:36–40). Ak ewi wāween ad kwaļok iakwe ḡnan ro jet?

Būreejtōn Uchtdorf eaar kwaļok būrabōļ eo an Kraist kōn ļaddik ro ruo, juon eaar jermal ḡnan jemen im juon eaar jab. Rilōmḡḡor eaar kalikar bwe ļaddik eo eaar pokake jemān ej lukkuun iakwe e. Ejja āinwōt in, ḡne jej pokake kien ko an Anij, jej kwaļok bwe jej iakwe E im kōnaan jepļaaak ļok ḡnan lppān.

Ak ewi wāween ad kwaļok ad iakwe ḡnan aolep? Būreejtōn Uchtdorf eaar kōmeļeļe menin barāinwōt: “Eļāḡḡe jej lukkuun iakwe armej ro ad, jej leļok jipaḡ eo ad ‘ḡnan rijeramōl im riaikuj ro, rinaḡinmej im ro rej liājļoļ.’ Bwe ro rej kōmḡman kain in ilo tūriamḡ im jipaḡ, ejja rein wōt rej rikaļooran Jisōs Kraist.”

Kōn menin tok ālik ḡne kwoj ioon jinōḡ im jemḡōḡ, juon jeimḡ ak jatūḡ, ak ḡōttamḡ, Ļōmḡak in jermal ḡnan er im kwaļok aḡ kea kake er. Eban kōmḡman wōt bwe koḡin ḡōḡōḡō, ak enaaj kōmḡman bwe Jemedwōj Ilaḡ en bar ḡōḡōḡō.

AJRI RO

Kwaļok iakwe

Jisōs eaar kwaļok juon bwebwenato kōn juon jemān im ļaddik ro ruo nejin. Jemān eaar jermal ilo jikin kallib eo im kar kajjitōk ippān ļaddik ro ruo nejin ḡnan jipaḡ. Ļaddik eo ḡmōktata eaar ḡakoko jinoin ak tok ālik eaar itok im jipaḡ ilo jikin kallib eo. Ak ļaddik eo kein karuo eaar ba enaaj jipaḡ, ak eaar jab. Jisōs eaar kwaļok bwe ļaddik eo ḡmōktata eaar kwaļok eļap iakwe ḡnan jemān kōn pokake.

Kōmḡman jān bwebwenato in! Innām je ak jiḡaik jilu men ko kwomaroḡ kōmḡmani ḡnan kwaļok aḡ iakwe ḡnan Jemedwōj Ilaḡ.



Kōkkaajriri Ej juon Eddo Ekwojarjar

Tōmak, Baamle, Deeor

Kanooj jar ilo aṃ ekkatak kōn katak in im pukōt nān jeḷā ta eo kwonaaj kwaḷḷok. Ewi wāween naaj meḷeḷeki “Baamle Eo: Juon Naan in Kean nān Laḷ in” kōḷapḷok tōmak eo aṃ ilo Anij im kōjeraamman ro kwoj mije ilo aṃ loḷok im katakin er? Nān meḷeḷe ko reḷḷapḷok, etal nān relief society.lds.org.

Jemedwōj Ilañ eaar ejaki baamle ko nān jipañ kōj kwaḷḷok pedped in katak ko rejimwe ilo juon wāweein iakwe. Būreejtōn Thomas S. Monson eaar ba: “Leḷok nān ajri eo nejūm nōbar ilo wāween atbōkwōje; ba, ‘Ij iakwe eok’ eḷapḷok; aolep iien kwaḷḷok aṃ kamḷoolol. Jab kōtḷok an jorrān ḷapḷok jen armej eo kwoj iakwe.”¹

Susan W. Tanner, kar būreejtōn eo eutiey an Doulu eo an Jiroñ Ro, eaar kwaḷḷok: “Jemedwōj Ilañ eaar kwaḷḷok joñok eo jej aikuj ḷoore. Ej iakwe kōj, katakin kōj, ej kijenmej ippād, im ej leke kōj kōn anemkwoj eo ilo kōj. . . . Jet iien kipel, eo meḷeḷein ‘nān katakin,’ ej pok ippān kōraat. Ajri ro—im aolep armej jekdōon iio rot—remaroñ kōkmanmanḷok ḷwīlieer kōn iakwe im kōḷapḷok nōbar ijelōkin pukot ruwōn doon.”²

“Eḷañne jej lukkuun kōmmane jar an baamle, katak jeje ko rekwojarjar, nokon in jota an baamle,

kōjeraamman ko an priesthood, im kōjparok raan in Jabōt,” Elder Quentin L. Cook jān Doulu eo an Joñouluo Rijilōk ro eaar ba, “ajri ro nejid renaaj . . . kōppopo nān juon kapijuknen eo indeo ilo lañ, ekkar nān ta eo ej waḷok nān er ilo juon laḷ eo eañjiwiwi.”³

Bar Jet Eoon Ko

1 Nipai 8:37; 3 Nipai 22:13; Katak im Bujen ko 93:40; 121:41

Bwebwenato ko Raan Kein

“Iaar riiti nuuj peba eo ke juon iaan ḷaddik ro jibū ej jijet tok iturū,” Elder Robert D. Hales jān Doulu eo an Joñouluo Rijilōk ro eaar ba. “Ke ij riit, iaar ḷōḷōḷō in roñ an ekero-ro. Kōn aō bwilōñ, jidik iien tokālik, eaar bōjrak jidik ritok kōtaaō im peba eo. Jibwe meja kōn pein im keitaak tok botin nān botū, im ba, ‘Jimḷa! Kwopād ke ijo?’

“ . . . Pād ijo meḷeḷein meḷeḷe būruwōn jōdikdik ro nejid im ḷad

ippāer. Mad ippāer ejjab meḷeḷein bwebwenato wōt ak kōmmani men ko ippāer barāinwōt. . . .

“Jej aikuj pepe im bōk jidik iien nān katakin. . . .

“ . . . Toon wōt aō mour, im toon wōt aō kile iien ekkatak ko ke ij jōdikdik, eḷaptata men ko jinō im jema raar letok, raar kepooy mour e aō bwe in āinwōt in.”⁴

KAKEMEMEJ KO

1. Thomas S. Monson, “Love at Home—Counsel from Our Prophet,” *Liahona*, Aug. 2011, 4.
2. Susan W. Tanner, “Did I Tell You . . . ?” *Liahona*, Māe 2003, 74.
3. Quentin L. Cook, “Irooj Ej Aō Meram,” *Liahona*, Māe 2015, 64.
4. Robert D. Hales, “Our Duty to God: The Mission of Parents and Leaders to the Rising Generation,” *Liahona*, May 2010, 96, 95.

ḷōmḷak kōn Menin

Etke gospel in emḷantata kwaḷḷok kōn kajin im waanjoñok in iakwe?